

АКАФИСТ

Иже во святых отцѣ нашемѹ
СВЯТИТЕЛЮ ИОАННУ,
Сан-Францескому и Шанхайскому
Чюдотворцу.



А К А Ф И С Т

*Иже во святых отцу нашему
СВЯТИТЕЛЮ ИОАННУ,*

Сан-Францисскому и Шанхайскому Чудотворцу.

КОНДАК 1

Взбранный Чудотворче и изрядный Угодниче Христов, всему миру источай многоценное миро вдохновения и чудес неисчерпаемое обилие. Восхваляем тя с любовью и да зовем ти:

Радуйся, святителю отче наш Иоанне, последних времен Чудотворче!

ИКОС 1

Ангела образом яви тебе в последняя времена вся твари Создатель с милостию Божией пецыся о людех земных. Взирая на добродетели твоя, преблаженне Иоанне, вопием ти сице:

Радуйся, с раннего детства благочестием украшенный!

Радуйся, со страхом и трепетом волю Божию исполняющий!

Радуйся, являющий благодать Божию в тайных благодеяниях!

Радуйся, быстрое далече сущих страждущих услышание!

Радуйся, любвеобильное поспешение ближним своим во спасение!

Радуйся, радование всем с верою к тебе припадающим!

Радуйся, святителю отче наш Иоанне, последних времен Чудотворче!

КОНДАК 2

Видяще обильное добродетелей твоих изливание, святителю славный Иоанне, яко живоносный источник чудес Божиих напояеши нас, верно вопиющих к Богу: Аллилуия!

ИКОС 2

Разум, преисполненный любви, якоже и богословия, богомудре Иоанне, и богознанием умудренный и к страждущим людям любовью украшенный, познавати нас Истинного Бога научи, яко и мы во умилении да вопием ти:

Радуйся, непоколебимая твердыня Истины Православия!

Радуйся, драгоценный сосуд даров Духа Святаго!

Радуйся, честный обличитель неверия и лжеучения!

Радуйся, ревностный исполнитель заповедей Божиих!

Радуйся, подвижниче недремлющий, не дающий себе отдохновения!

Радуйся, возлюбленный пастырю стада Христова!

Радуйся, святителю отче наш Иоанне, последних времен Чудотворче!

КОНДАК 3

Силою благодати Божией благой сиропитатель и наставниче юношам явился еси, воспитая в страхе Божиим и приуготовляя их к служению Богу. Сего ради чада твоя взирают на тя и благодаряще вопиют Богу: Аллилуия!

ИКОС 3

Имеяще воистину, отче Иоанне, с небесе песнь тебе воспеваему быти, а не от земли: како бо кто от человек возможет твоих дел величие проповедати. Мы же, принося Богу яже имамы, вопием ти сице:

Радуйся, непрестанною молитвою покрывающий чада твоя!

Радуйся, охранитель стада твоего Крестным знаменем!

Радуйся, любви великой вместилище, не взирающий на различие языков!

Радуйся, светильниче всесветлый и вселюбимый!

Радуйся, образе кротости духовных!

Радуйся, сладостей духовных подателю нуждающимся!

Радуйся, святителю отче наш Иоанне, последних времен Чудотворче!

КОНДАК 4

Бурею духовною одолеваемы: како достойно есть хвалити чудеса твоя, блаженне Иоанне. Яко прошел еси до конец вселенныя спасения ради и благовествования Евангелия сущим во тьме. Благодаряще Бога за апостольские труды твои, мы воспеваем Ему: Аллилуия!

ИКОС 4

Слышаша ближнии и дальнии величие чудес твоих, Божией милостью даже до нашего времени являемых. В тебе Богу прославляющемуся мы дивящися и в страхе вопием:

Радуйся, просветитель сущих во тьме неверия!

Радуйся, приведший людей твоих с Востока дальнего до Запада!

Радуйся, источниче чудес изливаемых Богом!

Радуйся, с любовью вразумляющий заблудших!

Радуйся, скорый утешитель кающихся во гресех своих!

Радуйся, опора грядущих путем правым!

Радуйся, святителю отче наш Иоанне, последних времен Чудотворче!

КОНДАК 5

Боготечный свет явился еси, бури всех лютых разгоняющий, сущих на острове от вихрей смертоносных молитвами твоими охраняя, святителю Иоанне, и крестным знаменем ограждая. Научи и нас, призывающих тя в помощь, Чудотворче Святой, к Богу с дерзновением взывати: Аллилуия!

ИКОС 5

Видевше многую помощь твою в напастех и обстояниях, преблаженне отче Иоанне, дерзновенный бо ходатай пред Престолом Божиим и скорый в бедах помощниче еси. Того ради и мы на твое покровительство пред Богом уповаем и вопием ти:

Радуйся, стихий опасных прогонителю!

Радуйся, молитвою твоею от нужд избавляющий!

Радуйся, голодающим хлеба присный подателю!

Радуйся, приуготовляя просящим изобилие!
Радуйся, утешителю в скорбех сущих!
Радуйся, многих падших от погибели исхитивший!
Радуйся, святителю отче наш Иоанне, последних времен Чудотворче!

КОНДАК 6

Проповедующий яко новый Моисей гугнивый явился еси, изводя люди твоя из плена рабства, преблаженне Иоанне. Избави и нас от рабства греховнаго и врагов Божияго спасения, якоже и мы вопием к Богу: Аллилуйя!

ИКОС 6

Возсия молитвою твоею, совершил еси неисполнимое, о, добрый Пастырю, и склонил власти мирския сострадати о людях твоих. Того ради с ними купно и мы благодарственно вопием ти:

Радуйся, усердно ты призывающим верно помогающий!
Радуйся, избавляющий от неправеднаго убиения!
Радуйся, сохраняющий от клеветы и злословия!
Радуйся, обороняющий невинных от уз!
Радуйся, отразитель от нападения нечестивых!
Радуйся, помрачителю лжи и проявителю истины!
Радуйся, святителю отче наш Иоанне, последних времен Чудотворче!

КОНДАК 7

Хотя пламенно прославити святых Запада, отпадшего от истины, восстановил еси почитание их в Церкви Православной, о любителю преподобных Востока и Запада. Днесь с ними на небеси моли Бога о нас, поющих на земли к Богу: Аллилуйя!

ИКОС 7

Новаго видеша ты избранника Божьяго, иже вкупе со святителями древней Галлии, ты явился еси в последняя времена яко един от сих, вдохновляя паству твою соблюдать Православную веру, яко же сии на Западе исповедаху. Сохрани и нас в вере сей пребывати, вопиющих ти:

Радуйся, новый Мартине в воздержании, подвигах и чудесех твоих!
Радуйся, новый Германе во исповедании твоём Православныя веры!
Радуйся, новый Иларие в Божественном богословии!
Радуйся, новый Григорие, в почитании и прославлении угодников Божиих!
Радуйся, новый Фавсте твоею нежною любовью и усердием иноческим!
Радуйся, новый Цесарий в твердой любви Правилам Церкви Божией!
Радуйся, святителю отче наш Иоанне, последних времен Чудотворче!

КОНДАК 8

Страшное чудо видехом к концу земнаго жития твоего, страсотерпче святыи Иоанне, возведен был еси в Новый Свет, проповедаше там Христианство Древнее, и приял еси гонение ради праведности твоей, душу твою приуготовляя Царства Небеснаго ради. Удивляясь ныне терпению и многостраданию твоему, благодарно вопием к Богу: Аллилуйя!

ИККОС 8

Весь еси был делателю винограда Христова, Богоносне Отче, не ведал еси покоя ни до конца многотруднаго живота твоего, помози и нам недостойным в деланиях наших, будем и мы прилежаще верно Богу, дивный угодниче Божий Иоанне, яко славяще вопием ти:

Радуйся, претерпевый до конца и достигший спасения!

Радуйся, пред иконой Богоматери умерети сподобившийся!

Радуйся, среди гонения неправеднаго мужественный веры хранителю!

Радуйся, яко добрый пастырю стаду твоему, правящим иерархом кончину сидяще приемший!

Радуйся, после смерти утешивший паству чудесным своим возвращением!

Радуйся, многих чудес подателю к раке твоей с верою и любовию притекающим!

Радуйся, святителю отче наш Иоанне, последних времен Чудотворче!

КОНДАК 9

Все естество ангельское восхождением твоея души в небесныя обители возрадовалось, мы же удивляясь твоим чудесем на земли, действием Святаго Духа являемым, воспеваем Богу: Аллилуия!

ИККОС 9

Ветии многовещанные не возмогут известь крепость святаго жития твоего, о, праведне отче Иоанне, неизреченнаго Бога святилище. О, дивное явление Божие нашему маловерному времени, немолчно прославляем тя, вопиющи таковая:

Радуйся, Божественных повелений палато!

Радуйся, малое и слабое ангельских обителей вместилище!

Радуйся, лестнице, еюже удобно восходим на небеса!

Радуйся, лечебница всякия недуги скоро врачующая!

Радуйся, молитвеннаго подвига тайное хранилище!

Радуйся, светлоукрашенный храм Духа Святаго!

Радуйся, святителю отче наш Иоанне, последних времен Чудотворче!

КОНДАК 10

Спасти хотя мир, иже всех Спаситель новаго святаго послал еси нам. Тем через него из темных глубин греха воззвал еси нас. Слышаше тя, нас к покаянию взывающе, преблаженне отче Иоанне, мы, в добродетели убогия, взываем сице к Богу: Аллилуия!

ИККОС 10

Стена еси всем прибегающим к твоему небесному заступничеству, отче Иоанне, тем же и нас от демонскаго ополчения ограждаяй, от недугов, напастей и нужд различных освобождаяй, с верой к тебе взывающих:

Радуйся, ослепших прозрение!

Радуйся, силою молитвы жизнь на смертном одре сущим подающий!

Радуйся, от мятежа и брани соблюдающий!

Радуйся, спасительная влага погибающих в огне печали орошающая!

Радуйся, одиноких и оставленных отеческое заступление!

Радуйся, Святой Учителю ищущих истину!

Радуйся, святителю отче наш Иоанне, последних времен Чудотворче!

КОНДАК 11

Пение непрестанное ко Пресвятей Троице, преблаженне отче Иоанне, мыслию, речию и доброделанием принесл еси: многим разумением истинной Веры повеления уяснил еси, верою, надеждою и любовью наставляя нас в Троице Единому Богу воспевати: Аллилуия!

ИКОС 11

Светодательный светильник Православия сущим во мраке невежества явился еси, стада Христова добрый пастырю. Тако и по успении твоём являеши истину неведущим ея, души верных просвещающе, вопиющим ти таковая:

Радуйся, просвещение мудрости Божией сущим в неверии!

Радуйся, радуга тихой радости кротких!

Радуйся, громе, устрашающий во грехе упорствующих!

Радуйся, молния, ереси пожигающая!

Радуйся, одождие догматов Православия!

Радуйся, орошение Богомыслия!

Радуйся, святителю отче наш Иоанне, последних времен Чудотворче!

КОНДАК 12

Благодать, данную ти от Бога изливающуюся ведающе: сию с благоговением и благодарностию восприимем, к заступлению твоему чудному притекающе, о, всехвальне отче Иоанне, твоя чудеса прославляя, взываем к Богу: Аллилуия!

ИКОС 12

Поюще хвалу Богу, в тебе кротком и смиренном рабе дивно бо прославися, падшему и безверному миру явися, ничтоже сотворшему равного дарованию чудес твоих. Ими же удивляющися, со святыми кланяемся и почитаем тя:

Радуйся, новая праведности звезда на небосводе воссиявшая!

Радуйся, новый пророче, от воцарения зла нас избавляющий!

Радуйся, новый Ионе, о гибели пророчествующий от греха!

Радуйся, новый Крестителю, призываяй всех к молитве и покаянию!

Радуйся, новый Павле, тяготы проповеди Евангелия понесший!

Радуйся, новый апостоле, светлое веры проповедание!

Радуйся, святителю отче наш Иоанне, последних времен Чудотворче!

КОНДАК 13

О, Пресветлый и Предивный Угодниче Божий, святителю отче наш Иоанне, утешение всех в скорбех сущих, нынешнее наше молитвенное прими приношение да Господа умоли от геены избавитися нам богоприятным твоим ходатайством, ибо сам по смерти изрек: «Скажите народу, хотя я и умер, но я жив»: Аллилуия!

(Сей кондак глаголи трижды)

ИКОС 1

Ангела образом яви тебе в последняя времена вся твари Создатель с милостию Божией пецйся о людех земных. Взирая на добродетели твоя, преблаженне Иоанне, вопием ти сице:

Радуйся, с раняго детства благочестием украшенный!

Радуйся, со страхом и трепетом волю Божию исполняющий!

Радуйся, являющий благодать Божию в тайных благодеяниях!

Радуйся, быстрое далече сущих страждущих услышание!

Радуйся, любвеобильное поспешение ближним своим во спасение!

Радуйся, радование всем с верою к тебе припадающим!

Радуйся, святителю отче наш Иоанне, последних времен Чудотворче!

КОНДАК 1

Взбранный Чудотворче и изрядный Угодниче Христов, всему миру источая многоценное миро вдохновения и чудес неисчерпаемое обилие. Восхваляем тя с любовью и да зовем ти:

Радуйся, святителю отче наш Иоанне, последних времен Чудотворче!

Молитва

**ко святителю Иоанну,
последних времен Чудотворцу**

О, святителю отче наш Иоанне, Пастырю добрый и тайновидец душ человеческих. Ныне у Престола Божия за нас молишися, яко же и сам посмертне изрек: «Хотя я и умер — но я жив». Умоли Всещедраго Бога прощение нам во гресех даровати, да смело воспрянем духом и уныние сего мира отряхнем и Богу возопиим о даровании нам смирения и Богодухновения, Богосознания и духа благочестия на всяких путях жизни нашея. Яко милостивый сиропитатель и опытный путеводитель на земле бывший, ныне буди нам воздем Моисеевым и в смутах церковных всеобъемлющее Христово вразумление. Услыши стенание смущенных юношей нашего лихолетия, обуреваемых беснованием вселукавым и отряхни лень уныния изнемогающих пастырей от натисков духа мира сего и томящихся в оцепенении праздном. Да слезно вопием ти, о теплый молитвенниче, посети нас сирых, во тьме страстей утопающих, ждущих твоего отеческаго наставления, да озаримся светом невечерним, идеже ты пребываеши и молишися за чад твоих, по лицу вселенныя рассеянных, но любовь слабую к свету все же тянущихся, идеже свет Христос Господь наш пребывает, Ему же честь и держава ныне и присно и во веки веков. Аминь.

Величание

Величаем, величаем тя, святителю отче наш Иоанне, и чтим святую память твою. Ты бо молиши за нас Христа Бога нашего.